



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კვაჭაძე ლევან (ლევო) მიხეილის ძე

კვაჭაძე ლევან (ლევო) მიხეილის ძე (3. X. 1908, სოფ. ლახამულა, ახლანდ. მესტიის მუნიციპალიტეტი, - 22. I. 2011, თბილისი), ენათმეცნიერი, ქართული ენისა და მისი სწავლების მეთოდის მკვლევარი. საქართველო. მეცნ. დამს. მოღვაწე (1983), საქართველო. სკოლის დამს. მასწავლებელი (1966), საქართველო. სახელმწ. პრემიის ლაურეატი (1988). დაამთავრა თსუ-ის ფილოლოგ. ფაკ-ტი (1930). პედ. მოღვაწეობა 1931-იდან დაიწყო. სხვა დასხვა დროს მუშაობდა მესტიის, სოფ. ლახამულის, თბილისის საშ. სკოლებში მასწავლებლად, დირექტორად. 1947-იდან დაიწყო სამეცნ.-კვლ. მოღვაწეობა ა. პუშკინის სახ. პედ. ინ-ტში ქართ. ენის კათედრაზე. იმავდროულად იყო ზუგდიდის სამასწავლებლო ინ-ტის ქართული ენისა და ლიტ-რის კათედრის გამგე (1950-52).

კ-ის ნაშრომებში განხილულია ქართ. ენის გრამატიკის, მეტნილად სინტაქსის, და საშუალო სკოლაში ენის სწავლების მეთოდის ძირეული საკითხები. მნიშვნელოვანი ნაშრომებია: „რთული წინადადების სწავლების მეთოდის კონსტრუქცია“ (1950), „წინადადების წევრები ქართულში“ (1954), „მიმღობისა და სახელის ზოგიერთი ფორმის სინტაქსური კვალიფიკაციისათვის“ (1957), „ქართული ენა“ (1961), „თანამედროვე ქართული ენის სინტაქსი“ (1966), „თანინი მრავლობითის მოქმედებითი და ვითარებითი ახალ ქართულში“ (1997) და სხვ.

აღსანიშნავია კ-ის დიდი დამსახურება სასკოლო სახელმძღვანელოების შექმნაში. იგი, ა. შანიძესთან ერთად, თანაავტორია „ქართული ენის გრამატიკის“ ორივე ნაწილისა (1964-იდან 70-იანი წლების მიწურულამდე), ხოლო შემდეგ V-IX კლასების „ქართული ენის“ სახელმძღვანელოსი.

საქართველო. სახელმწიფო პრემია მიენიჭა წიგნისათვის „თანამედროვე ქართული ენის სინტაქსი“.

დაჯილდოებულია ღირსების ორდენით (1997).

ც. ბარბაქაძე
